

Karakterskala nutaaq

Greenlandic
Grading
System
(GGS-skalaen)

A

B

C

D

E

Fx

F



KARAKTERSKALA NUTAAQ

Greenlandic Grading System (GGS-skala)

Ukiut tulliuuttut marlussuit ingerlaneranni 13-skala karakterileriaatsimik nutaamik GGS-imik taaneqartumik taarserneqassaaq. Mappersagaq-qami uani skala nutaaq karakterillu isumaat takusinnaavatit.

GGS-skala

Skala nutaaq taagorneqarpoq Greenlandic Grading System, Kalaallit Nunaannilu ilinniartitaanerni tamani atorneqassalluni, soraarummeernermut uppersaammii qallunaat 12-skala malillugu karakteriliuttagaannik ungaluuserlugit inissitanik ilaqartinneqarluni.

GGS-skalami atorneqarpoq nunarsuaq tamakkerlugu akuerisaalluni atorneqartoq European Credit Transfer System, ECTS-pointinik taaneqartartoq. GGS-skala 7-inik karaktereqarpoq. Angusisimanissaq piumasaqaataappat atuartoq/ilinniartoq angusissaaq A, B, C, D imaluunniit E-mik karaktereqaruni. Atuartoq/ilinniartoq angusisimassanngilaq Fx-imik F-imilluunniit karaktereqaruni. Taamaammatt E tassaavoq angusinissamut karakteri appasinnerpaaq.

Karakterit allaaserineri

GGS-skalami karakterit ataasiakkaat immikkut allaaserisaapput, quppernerup tulliani takuneqarsinnaasutut. Allaaserinninnerit taakku skala malillugu karakteriliinerni tamani atorneqassapput.

Sooq karakteriskala nutaaq Kalaallit Nunaanni atulissava?

Karakterileriaatsip nutaap pisariaqartinnera arlalinnik pissuteqarpoq. Ilaat tassaavoq qularnaarumaneqarmat Kalaallit Nunaanni karakterit nunarsuup sinnerani karakterinut sanilliunneqarsinnaanerunissaat. Ilinniartunut kalaallinut ajornannginnerulissaaq nunani allani ilinniartunngornissaq aamma soraarummeernermi angusat nunanit allaneersut Kalaallit Nunaanneersullu soraarummeernermut uppersaammii ataatsimi allanneqartalissapput.

13-skala nunat allat karakterileriaasiannut sanilliukkuminaappoq, annermik pissutigalugu ECTS-skala Europami karakterit nuunnerini atorneqartartoq, 7-inik alloriarfiliilluni karakterileriaasiummat.

Imaappoq ECTS-skala nunarsuaq tamakkerlugu akuerisaalluni atorneqarpoq.

Aammattaaq nunani allarpassuarni aatsaat ilinniartunngortoqarsinnaavoq pitsaanerpaanik karaktereqaraanni. Kisiannili 13-skalami karakteri pitsaanerpaaq ”immikkut karakteriuvoq”, qaqutigunnaq karakteriliunneqartartoq. ECTS-aamma GGS-skalami immikkut karaktereqanngilaq.

Peqqutaasoq alla tassaavoq 13-skalap atuartitsissummiit atuartitsissummut aamma ilinniakkamiit ilinniakkamut assigiinneqisunik atorneqartarnera.

Peqqutaasut pingajoraat, Danmarkip 13-skala atorunnaarmagu, 7-trinsskala atulerlugu, tassa kisitsisunik karakterilik, ECTS-skalap naqinngorlugit karakteriinut sanniullunneqarsinnaasunik.

Qaqugu GGS-skala atulissava?

GGS-skala Kalaallit Nunaanni ingerlaqqiffiusumik ilinniakkani aamma inuutissarsiutinik ilinniakkani 1. august 2008-miit atuutilissaaq. Meeqqat atuarfianni atuartunut GU-milu ilinniartunut GGS-skala aatsaat 1. august 2009 atuutilissaaq.

GGS-skala

GGS-skala	Taaguutaa	Allaaserinera	DK-mi 7-inik alloriarfiliilluni karakterit
A	Naammassisamut pitsaalluinnartumut.	Karaktereri A naammassisamut pitsaalluinnartumut karakteriliunneqartassaaq, atuartitsissummi anguniakkanik naammalluurtumik naammassinninnermik takutitsisumut, amigaateqanngitsumut imaluunniit annikitsuinnarnik pingaaruteqanngitsumik amigaateqartumut.	12
B	Naammassisamut ajunngivissumut.	Karaktereri B naammassisamut ajunngivissumut karakteriliunneqartassaaq, atuartitsissummi anguniakkanik annertuumik naammassinninnermik takutitsisumut, annikitsumik ikittuinnarnik pingaarutilinnik amigaateqartumut.	10
C	Naammassisamut ajunngitsumut.	Karaktereri C naammassisamut pitsaasumut karakteriliunneqartassaaq, atuartitsissummi anguniakkanik naammassinninnermik takutitsisumut, arlalinnik amigaateqartumut.	7
D	Naammassisamut ajorpallaanngitsumut.	Karaktereri D naammassisamut ajorpallaanngitsumut karakteriliunneqartassaaq, atuartitsissummi anguniakkanik annikinnerusumik naammassinninnermik takutitsisumut, amerlasuunik annertuunik amigaatilimmut.	4
E	Naammassisamut naammattumut.	Karaktereri E naammassisamut naammattumut karakteriliunneqartassaaq, atuartitsissummi anguniakkanik minnerpaamik akuerineqarsinnaasumik naammassinninnermik takutitsisumut.	2
Fx	Naammassisamut naammaginangitsumut.	Karaktereri Fx naammassisamut naammaginangitsumut karakteriliunneqartassaaq, atuartitsissummut anguniakkanik akuerineqarsinnaasumik takutitsinngitsumut.	0
F	Naammassisamut pitsaanngitsumut.	Karaktereri F naammassisamut akuerineqarsinnaanngiluinnartumut karakteriliunneqartassaaq.	-3

Karakterskala nutaaq

Saqqummersitsisoq: Namminersornerullutik Oqartussat, 2008

Aaqqissuisut: KIIIN, ISIIA aamma Inerisaavik

Naqinnissaanut piareersaasoq: Inerisaavik

Assit: Fartato Olsen, Anders Gedionsen, Leiff Josefsen

ECTS-skala aamma Danmarkimi karakterskala nutaaq pillugu uani annertunerusumik paasissutissaqarpoq:

www.uvwm.dk/nyskala

Internetadresse:

pub.uvm.dk/2006/nyskala